



**GARIS PANDUAN PEMBERIAN SUMBANGAN
KEBAJIKAN**

PUSPANITA: *WE CARE FOR YOU*

DISEDIAKAN OLEH:

**UNIT PERSATUAN
PUSPANITA KEBANGSAAN**

31 MEI 2021

GARIS PANDUAN PEMBERIAN SUMBANGAN KEBAJIKAN PUSPANITA: *WE CARE FOR YOU*

1. TUJUAN

Garis Panduan ini bertujuan untuk menjelaskan syarat-syarat kelayakan bagi pemberian sumbangan kebajikan PUSPANITA: *We Care for You* yang boleh dijadikan panduan kepada setiap Cawangan bagi mengemukakan permohonan yang berkelayakan kepada PUSPANITA Kebangsaan.

2. LATAR BELAKANG

2.1. Penularan wabak Coronavirus (COVID-19) di negara kita dan seluruh dunia yang semakin meruncing telah memberikan impak yang tinggi kepada kehidupan dan kesejahteraan rakyat. Peningkatan individu yang disahkan positif COVID-19 juga telah menyebabkan Kerajaan mengeluarkan Perintah Kawalan Pergerakan (PKP) *total lockdown* terhadap seluruh negara selama 14 hari bermula 1 Jun 2021.

2.2. Menyedari kesulitan yang timbul kepada para ahli dan anggota keluarga terdekat akibat daripada menjalani rawatan COVID-19 di hospital, dikenakan perintah kuarantin serta tempoh PKP, Persatuan Suri dan Anggota Wanita Perkhidmatan Awam Malaysia (PUSPANITA) mengambil inisiatif untuk menghulurkan sumbangan kebajikan PUSPANITA: *We Care for You* kepada para ahli yang berkelayakan.

3. KRITERIA PENERIMA

3.1 Penerima mestilah terdiri daripada ahli PUSPANITA warganegara Malaysia, sama ada penjawat awam wanita atau suri kepada penjawat awam lelaki yang berdaftar di Cawangan.

3.2 Penerima mestilah berdaftar dalam Sistem Keahlian PUSPANITA.

4. KATEGORI SUMBANGAN

- 4.1. Ahli atau anggota keluarga terdekat (suami atau anak atau ibu bapa kepada ahli) yang disahkan positif dan menjalani rawatan di wad hospital yang dibenarkan oleh Kementerian Kesihatan Malaysia (KKM) untuk merawat COVID-19 (*warded*) (terhad kepada mana-mana satu individu);
- 4.2. Ahli atau anggota keluarga terdekat yang disahkan positif dan meninggal dunia akibat COVID-19 (terhad kepada mana-mana satu individu di bawah keluarga yang sama);
- 4.3. Suami atau Ketua Isi Rumah (KIR) kepada ahli PUSPANITA yang berkerja tetapi telah kehilangan sumber pendapatan (sama ada diberhentikan kerja atau tidak dibayar gaji) sepanjang tempoh dikenakan Perintah Pengawasan dan Pemerhatian Bagi Kontak COVID-19 di bawah Seksyen 15(1) Akta Pencegahan dan Pengawalan Penyakit Berjangkit 1988 (Akta 342) atau menjalani rawatan akibat COVID-19 di wad hospital (*warded*) atau semasa tempoh Perintah Kawalan Pergerakan (PKP) (**terhad kepada jumlah pendapatan bulanan isi rumah tidak melebihi RM5,000**);
- 4.4. Ahli PUSPANITA yang menderita penyakit kritikal dan disahkan doktor (rujuk senarai 45 penyakit kritikal di bawah Skim Perlindungan Nasional B40 MySalam) yang sukar untuk mendapatkan ubat atau terputus bekalan ubat semasa tempoh PKP.
- 4.5. Ahli PUSPANITA yang merupakan ibu tunggal **DAN** mempunyai anak kurang upaya (OKU) atau mempunyai anak yang menderita penyakit kritikal dan disahkan doktor (rujuk senarai 45 penyakit kritikal di bawah Skim Perlindungan Nasional B40 MySalam) yang sukar untuk mendapatkan ubat atau terputus bekalan ubat semasa tempoh PKP.

5. PEMOHON YANG TIDAK LAYAK

- 5.1. Bukan warganegara Malaysia dan tidak berdaftar sebagai ahli PUSPANITA.

- 5.2. Tiada pekerjaan sebelum dikenakan Perintah Pengawasan dan Pemerhatian atau sebelum menjalani rawatan hospital (*warded*) akibat COVID-19 atau semasa tempoh Perintah Kawalan Pergerakan (PKP).
- 5.3. Pemohon yang telah diluluskan sumbangan PUSPANITA: *We Care for You* pada tahun 2020 (permohonan berulang).

6. KAEDAH PERMOHONAN

- 6.1. Permohonan lengkap mesti dikemukakan melalui Cawangan dengan mengisi Borang Permohonan Sumbangan Kebajikan PUSPANITA: *We Care for You* (Lampiran 1) dan Borang Akaun Kehilangan Pendapatan (Lampiran 2).
- 6.2. Permohonan lengkap hendaklah dikemukakan melalui pos atau serahan tangan kepada:

**Setiausaha Agung
Persatuan Suri dan Anggota Wanita Perkhidmatan Awam Malaysia
(PUSPANITA)
d/a PUSPANITAPURI
Lot PT 2280-2283, Persiaran Seri Perdana
Presint 10
65520 PUTRAJAYA**

- 6.3. PUSPANITA Kebangsaan berhak menolak permohonan yang tidak lengkap atau yang tidak disertakan dengan salinan dokumen yang diperlukan.

7. KAEDAH PEMBAYARAN

- 7.1. Sumbangan kebajikan akan disalurkan menerusi akaun Cawangan Kementerian/Negeri (bagi ahli dan suami kepada suri yang masih berkhidmat) dan menerusi akaun individu (bagi ahli yang telah bersara).
- 7.2. Sumbangan kebajikan dalam bentuk kewangan ini hanya akan diberi sekali sahaja (*one-off*) dalam tempoh penularan jangkitan COVID-19 dan tidak akan diberikan bagi kes berulang.

8. PENAFIAN

8.1. PUSPANITA Kebangsaan berhak untuk memutuskan jumlah sumbangan berdasarkan dokumentasi yang dikemukakan atau menolak permohonan yang tidak menepati syarat-syarat yang ditetapkan.

RUJUKAN: SENARAI 45 PENYAKIT KRITIKAL

1. Penyakit Alzheimer / Demensia Teruk
2. Angioplasti dan rawatan invasive lain untuk penyakit arteri koronari
3. Meningitis Bakteria – Mengakibatkan Ketidakupayaan Kekal untuk Melakukan Aktiviti Kehidupan Harian
4. Tumor Otak Benign – Keterukan Tertentu
5. Buta – Kekal dan Tidak Boleh Pulih
6. Pembedahan Otak
7. Kanser – Keterukan Tertentu dan tidak Melindungi Kanser Tahap Awal
8. Kardiomiopati – Keterukan Tertentu
9. Anemia Aplastik Kronik – Mengakibatkan Kegagalan Kekal Sumsum Tulang
10. Koma – Mengakibatkan Defisit Neurologi kekal dengan Simptom Klinikal yang berterusan
11. Pembedahan Pintasan Arteri Koronari
12. Pekak – Kekal dan Tidak Boleh Pulih
13. Ensefalitis – Mengakibatkan Ketidakupayaan Kekal untuk Melakukan Aktiviti Kehidupan Harian
14. Kegagalan Hati Tahap Akhir
15. Penyakit Paru – paru Tahap Akhir
16. AIDS dengan Gejala Penuh
17. Hepatitis Viral Fulminan
18. Serangan Jantung – Keterukan Tertentu
19. Pembedahan Injap Jantung
20. Jangkitan HIV melalui Transfusi Darah
21. Kegagalan Buah Pinggang – Memerlukan Dialisis atau Transplan Buah Pinggang
22. Kehilangan Upaya Hidup Sendiri (Berdikari)

23. Hilang Keupayaan Bertutur
24. Trauma Kepala Major (Teruk) – Mengakibatkan Ketidakupayaan Kekal untuk Melakukan Aktiviti Kehidupan Harian
25. Transplan Organ Utama/Sumsum Tulang
26. Penyakit Neuron Motor – Defisit neurologi Kekal dengan Simptom Klinikal Berterusan
27. Sklerosis Multiple
28. Distrofi Otot
29. Kelumupuhan Anggota
30. Penyakit Parkinson – Mengakibatkan Ketidakupayaan Kekal untuk Melakukan Aktiviti Kehidupan Harian
31. Hipertensi Arteri Pulmonari - Keterukan Tertentu
32. Penyakit Arteri Koronari Serius
33. Strok/Angin Ahmar – Mengakibatkan Defisit Neurologi Kekal dengan Simptom – symptom Klinikal Berterusan
34. Pembedahan Aorta
35. Lupus Eritematosus Sistemik Dengan Komplikasi Buah Pinggang yang teruk
36. Kelecuran Tahap Ketiga – Keterukan Tertentu
37. Virus Kurang Daya Tahan Manusia (HIV) dijangkiti melalui Pekerjaan
38. Penyakit Terminal (Membawa Maut)
39. Penyakit Sistik Medular
40. Sindrom Apallic (iaitu Keadaan Vegetatif Berterusan)
41. Poliomielititis
42. Skleroderma Progresif
43. Keradangan Pankreas Berulang dan Kronik
44. Elefantiasis (Penyakit Untut)
45. Penyakit Creutzfeldt-Jakob (Penyakit Lembu Gila)

SENARAI SEMAK (SILA TANDAKAN '✓' DI KOTAK BERKENAAN)

1. Salinan Kad Pengenalan
2. Salinan muka hadapan buku bank (pesara)
3. Sijil Cuti Sakit menjalani rawatan COVID-19 yang dikeluarkan oleh Hospital di bawah Kementerian Kesihatan Malaysia (KKM)
4. Laporan Perubatan Terkini daripada Doktor bagi penyakit kritikal
5. Salinan kad temujanji Hospital (yang terputus bekalan ubat)
6. Salinan kad OKU (bagi anak Orang Kurang Upaya)
7. Dokumen-dokumen lain yang berkaitan (Surat beranak/ Sijil Nikah/ dll)
8. Salinan slip gaji pemohon dan pasangan
9. Salinan sijil kematian

Peringatan: Salinan dokumen yang dilampirkan perlu disahkan.

(Sekiranya salah satu dokumen tersebut tiada, maka permohonan tidak akan diproses)